



Bosna i Hercegovina  
Босна и Херцеговина

Agencija za  
identifikacione/identifikacijske  
dokumente/isprave, evidenciju i razmjenu  
podataka Bosne i Hercegovine



Агенција за  
идентификациона документа,  
евиденцију и размјену  
података Босне и Херцеговине

Broj: 15-03-16-5-43-31/23

Datum: 14.11.2023 godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14 i 59/22) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

## **O D L U K U** **o izboru najpovoljnijeg ponuđača**

### **Član 1.**

Najpovoljniji ponuđač u postupku javne nabavke **usluga održavanja serverske infrastrukture**, objavljenom na Portalu javnih nabavki Bosne i Hercegovine, broj Obavještenja o nabavci 1110-1-2-49-3-70/23 od 27.9.2023. godine, koji je proveden otvorenim postupkom, je **TELEGROUP d.o.o. Banjaluka**.

### **Član 2.**

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

### **Član 3.**

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

## **O b r a z l o ž e n j e**

Nakon preduzetih aktivnosti, Komisija za provođenje postupka javne nabavke usluga održavanja serverske infrastrukture (u daljem tekstu: Komisija) je konstatovala da su do roka za prijem ponuda 25.10.2023. godine do 10:00 sati, na pisarnicu Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija), pristigle ukupno tri (3) ponude i to od ponuđača: **TELEGROUP d.o.o. Banjaluka**, **Konzorcijuma LANACO d.o.o. Banjaluka** i **IBUSINESS d.o.o. Istočno Sarajevo** i ponuđača **ARTCO GROUP d.o.o. Sarajevo**. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

U postupku analize i ocjene ponuda Komisija je utvrdila da ponude ponuđača **TELEGROUP d.o.o. Banjaluka** i **Konzorcijuma LANACO d.o.o. Banjaluka** i **IBUSINESS d.o.o. Istočno Sarajevo** ispunjavaju zahtjeve u pogledu opisa predmeta nabavke i tehničkih specifikacija, te su pravilne i prihvatljive.



Prilikom pregleda ponude ponuđača ARTCO GROUP d.o.o. Sarajevo Komisija je utvrdila da ova ponuda sadrži računsku grešku, te je od Agencije pisanim putem, aktom br. 15-03-16-5-43-25/23 od 27.10.2023.godine, od ovog ponuđača zatraženo prihvatanje ispravke računске greške. Dana 02.11.2023. godine ponuđač ARTCO Group d.o.o. Sarajevo je dostavio odgovor Agenciji, svojim aktom br. 875-1/23 od 01.11.2023. godine, uz koji je priložio nanovo popunjen Obrazac za cijenu ponude. Uvidom u dostavljeni odgovor Komisija je utvrdila da ovaj ponuđač u definisanom roku nije Agenciji dostavio saglasnost na ispravku računskih grešaka i da je postupio suprotno članu 17. stav (5) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) vršeći ispravku jediničnih cijena stavke (cijene rezervnog dijela i cijene usluge), zbog čega je u skladu sa članom 68. stav (4) tačka (g) Zakona o javnim nabavkama („Službeni glasnik BiH“, br. 39/14 i 59/22) odbačena njegova ponuda.

Analizom ponuda, u postupku sa kriterijumom ekonomski najpovoljnija ponuda, Komisija je utvrdila da ponuda ponuđača TELEGROUP d.o.o. Banjaluka, sa ukupnom cijenom od **50.991,13 KM bez PDV-a**, odnosno **59.659,62 KM sa PDV-om, te vremenom popravke od osam (8) sati**, u ekonomskom i tehničkom smislu u potpunosti zadovoljava zahtjeve Agencije, te je dala preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: abadnjevic

дигитално потписано / digitalno potpisano / digitally signed